

光緒昌平州志

局志 1181

74578

地 110.27

139.1

部 0.26

芥子園畫傳

光緒己卯重修丙戌刊成
中華民國二十八年重印

嘗攷夏書禹貢首列冀州並及壺口孔傳謂壺口在冀州漢三輔黃圖一書爲志都邑之始三輔者顏師古漢書注謂長安以東爲京北以北爲左馮翊渭城以西爲右扶風良以朝京拱極屬在畿內者記載所必及也我

朝定鼎燕京實古冀州之域昌平州在京師北七十里爲漢馮翊金元以來書缺有間明初始有專

光緒昌平州志

序

一

志一修於隆慶時崔學履再修於康熙中吳都梁至今駸駸又二百年矣光緒三年續昌奉

命分巡霸昌爰莅茲土會直隸總督合肥伯相重修畿輔通志前府尹彭碩亭中丞議續纂順天府志於是吳州牧履福訪求得康熙中舊志開局勅修以州紳劉侍御治平任其事劉貢生萬源屬其藁延繆編修荃孫發凡起例次第編纂首

皇德次輿圖次土地次山川次大事表次職官表
次選舉表次道理次風土次祠廟次伽藍次冢墓
次會計次學校次衙署次營衛次物產次列士次
列女次藝文次麗藻終之以叙錄凡目二十有二
卷十有八歷八年而書成時知州事者宋牧文吳
牧已以疾去官續昌亦旋奉別調比歲回都侍御
又前卒侍御之子勲既刊板成帙以續昌曩歲備

官親與其事特屬一言弁首竊謂畿內之志與鄉
國異一州之志與總志又異崑山顧氏昌平山水
記四至八到形勝具詳實專爲前明陵寢而作僅
資考據固非其例秀水朱氏日下舊聞於昌平一
州特分上下二卷視他州縣加詳然祇爲總志之
體又不足據以爲例略者詳之缺者補之要當崇
首善之體而別成一史與康海武功韓邦靖朝邑

等志可以意爲包舉者不同我

朝儒臣輩出輿地之學上掩前人陽湖洪氏尤爲精核自時厥後繼軌接踵名郡劇縣著作林立繆編修生於其鄉習聞家法以承明大雅之選博稽掌故參酌體製勒爲是書續昌竊幸編纂之得其人又幸侍御有子卒成其事之有宋牧也遂端牘而爲之序

光緒昌平州志

序

三

時在

大清光緒十有一年歲次乙酉長至日二品頂戴

太常寺卿前任直隸霸昌道續昌燕甫氏序



歷修州志姓氏

明隆慶中重修

尙寶卿崔學履

國朝康熙癸丑重修

總裁整飭霸昌等處兼理屯田驛傳糧餉事務奉天耿繼先

監修昌平州知州奉天吳都梁

編纂河南新鄭縣廩生潘問奇

編纂廩監生曹天錫

編纂廩監生楊自牧

編纂廩膳生侯興國

商訂貢生郝民敬

光緒昌平州志

姓氏

商訂廩膳生王敬

蒐采廩膳生翁繼志

蒐采增監生劉本德

蒐采廩監生任傑

蒐采附學生楊挺秀

校讐廩膳生孫纘功

校讐附學生王如閔

鑒定巡撫湖廣都察院右副都御史徐化成

鑒定原任貴州銅仁縣知縣孫繁祉

評論陝西興安州知州盧永禎

評論浙江瑞安縣知縣李澄

評論江西興安縣知縣劉儀寵

參閱昌平州州判太平儀其健

參閱昌平州學正束鹿徐應升

參閱兵部候推守備王如皋

繪圖六聘山人施餘澤

督梓昌平州吏目華州屈必伸

國朝光緒己卯重修

花翎二品頂戴前任霸昌道陞任太常寺卿隨帶加五級續昌

二品頂戴前任霸昌道裕昆

花翎二品頂戴霸昌道恩良

四品銜前任昌平州知州吳履福

光緒昌平州志

姓氏

二

花翎四品銜昌平州知州調署薊州知州宋文

藍翎運同銜補用同知直隸州薊州知州調署昌平知州陳鏡清

前任昌平州學正舉人劉汝漣

署昌平州學正舉人李鳳山

候選知縣昌平州學正舉人袁琥

知縣用候選州判昌平州訓導田桂林

前任昌平州吏目鄭延慶

昌平州吏目李廷桂

翰林院編修江陰繆荃孫

掌福建道監察御史劉治平

庚辰科進士山西鳳臺縣知縣儒芳

議叙正八品劉萬源

候選訓導麻北慶

廩生侯維翰

廩生劉書山

附生趙尙芝

候選從九品朱藝

壬午科舉人國子監助教朱蕢

七品軍功范書紳

孝廉方正候選教諭陳念城

孝廉方正吳佐昌

癸酉科技貢檢發吉林通判吳廷珍

光緒昌平州志

姓氏

三

廩貢生尙景堯

廩生劉近仁

校對

壬午科優貢候選知縣東安解錫桂

壬午科優貢易州趙東昇

丙子科舉人玉田孫維源

乙酉科技貢深澤畢煥璞

附生劉晉庚

欽天監天文生鄭玉峯

增生尙有仁

附生瑞昌

王洪緒

尙景舜

國子監算學生尙保榮

光緒昌平州志

姓氏

四

光緒昌平州志目錄

皇德記第一

卷一

輿圖記第二

卷二

土地記第三上

卷三

土地記第三下

卷四

山川記第四

卷五

大事表第五

卷六

職官表第六

卷七

選舉表第七

卷八

道理記第八

卷九

風土記第九

卷九

光緒昌平州志

目錄

祠廟記第十

卷九

伽藍記第十一

卷九

冢墓記第十二

卷十

會計簿第十三

卷十一

學校志第十四

卷十二

衙署志第十五

卷十三

營衛志第十六

卷十三

物產志第十七

卷十三

烈士傳第十八

卷十四

列女傳第十九

卷十五

藝文錄第二十

卷十六

麗藻錄第二十一

卷十七

序錄第二十二

卷十八

光緒昌平州志

目錄

二

皇德記第一

光緒昌平州志卷一

昌平州之天壽山明代十三陵皆在其地

本朝順治四年夏四月

世祖章皇帝特命工部修葺九年

敕禁明陵樵採十六年十一月十四日

世祖駕幸明陵十七日致祭明諸陵及明愍帝陵並

御製祭文又

命閣臣金之俊撰思陵碑記十二月復頒

諭修明崇禎帝陵詔並

命設立陵戶給與贍田俾司香火

聖祖仁皇帝亦嘗

光緒昌平州志

卷一

親臨致奠飭令地方官加意防護乾隆五十年我

高宗純皇帝行幸湯山取道昌平

躬詣長陵見諸陵寢明樓享殿多有傾圮卽神牌龕案亦或遺失無

存

特發帑金揀派大臣董率修理閱三年而工竣嘉慶十二年

仁宗睿皇帝親詣長陵酌奠並遣大臣分詣諸陵行禮松楸如舊殿

宇長新

闡澤深仁其布濩於前代者可謂洞寰洽宙已今謹錄

列聖諭旨恭紀於篇以昭

聖德焉

世祖章皇帝諭工部敕 前代陵寢神靈所棲理應嚴爲防護朕巡

幸畿輔道經昌平見明朝諸陵寢殿宇牆垣傾圯特甚近陵樹木多被砍伐向來守護未周殊不合理爾部卽將殘毀諸處盡行修葺見存樹木永禁樵採添設陵戶令其小心看守責令昌平道官不時嚴加巡察爾部仍酌量每年或一次或二次差官察問勿致疎虞特諭

世祖章皇帝諭 順治元年定守明帝陵寢及祭典因神宗與我朝有嫌故裁之朕思前朝帝王陵寢理宜防護况我朝凡事俱從寬厚神宗陵著照十二陵例以時致祭仍設太監陵戶看守

順治八年

世祖章皇帝祭明諸陵文 維順治十六年歲次己亥十一月戊午朔十有七日甲戌

皇帝致祭於明成祖皇帝仁宗皇帝宣宗皇帝英宗皇帝憲宗皇帝孝宗皇帝武宗皇帝世宗皇帝穆宗皇帝神宗皇帝光宗皇帝熹宗

光緒昌平州志

卷一

二

皇帝諸帝丕承鴻運撫有寰區莅政理民爲一代主朕巡幸畿輔道經昌平瞻陵寢之在茲景流風而興感特以牲帛醴齊庶品之儀用申祭享尙其歆格

世祖章皇帝祭明崇禎帝文 維順治十六年歲次己亥十一月戊午朔十有七日甲戌

皇帝致祭於明莊烈愍皇帝曰維帝英姿莅政志切安民十有七年勵精靡懈詎意寇亂國亡身殉社稷向使時際承平足稱令主祇以襲敝政之餘逢陽九之運雖才具有爲而命移莫挽朕恆思及憫惜良深今因巡幸畿輔道經昌平陵寢在焉顧瞻增感特以牲帛醴齊庶品之儀用申祭享尙其歆格

世祖章皇帝論修明崇禎帝陵詔 朕維膺圖永祚統紹百王而創

業宏模情殷勝國歷觀史冊興亡之迹考其治亂得失之由僉以政荒遂干天譴邦國旣墮士民罔懷維有明莊烈愍皇帝實治理之究圖惜贊襄之莫逮以致寇氛犯闕宗廟爲墟追念喪師非因失德朕每念及此未嘗不惻焉傷心也頃者兩幸昌平周視明代陵隧躬親盥奠俯仰徘徊以彼諸陵規制咸壯麗相因獨愍帝之陵荒涼庫隘典物未昭原彼當年孜孜求治宵旰不遑祇以有君無臣薄海鼎沸洎乎國步傾危身殉社稷揆之正終之例豈同亡國之君朕於憑弔之餘撫往興悲不禁流涕因欲繕治陵寢丹堊几楹慰靈爽於九京彰異數於奕禩廼核少府金錢悉皆小民正供儻增工徒之費殊乖賦式之經然終不忍聽其闕略用是布告方州開導惻怛交相輸助聿新壝甃以肅松楸爾等溯厥源流夙沐前朝之澤凡茲臣庶寧無

光緒昌平州志

卷一

三

故主之思矧愍帝之終異於往葉而勸忠之感當有同心或列籍薦紳或齒登編戶恩沾累世德藏高曾勿以革故爲嫌致歉事亡之誼各隨心力共佐經營在內所捐貯之工部各直省地方輸之有司彙解工部獨慮經費浩繁紆以歲月計貲罔缺工役乃興繕以周垣崇其寢殿奢靡不尙雖少遜厥諸陵鳩庀獨新庶無曠乎儀制所在奉行毋滋擾害克成斯舉式副朕心

世祖章皇帝御製明內監王承恩碑文 朕聞烈士殉名齎志而沒貞臣衛主捐軀以從自有明失馭寇陷都城懷宗皇帝敦國君死社稷之義崩於石室時有司禮監秉筆太監王承恩者攀龍髯而矢志甘雉經以從君陪縊於傍死而猶跽嗚呼若承恩可謂事君有禮不忘其忠者矣夫人臣事主無二厥心爲其易者與爲其難者途徑若

分理道則一人臣之懷二心者倖圖苟免甘心事讎乃在平日修讀詩書高擁爵位之人無論生無以爲人死無以爲鬼對若人其亦何地置足耶朕殲除巨憝用彰民彝既禮葬懷宗皇帝於思陵因賜承恩塋域一區俾葬兆外以從厥志仍賜之香火田地暨之穹石使後世知艱危之際內員中乃尙有忠烈而死如承恩者

世祖章皇帝諭祭王承恩文 朕嘗考諸史冊見夫忠臣烈士身殉國難名炳千載未嘗不掩卷三歎也雖仁義之性命之於天人人可以自盡然變亂之際利害動於中禍患怵於外依違瞻顧多不能引決求夫風雨不渝其常霜雪不易其操者蓋難之矣若夫掖庭之中貂珥之列或恪恭著美或勤慎流徽若漢之呂強唐之張承業亦可謂賢矣至於國家多難秉志不移忠誠貫於金石氣節昭於日星尤

光緒昌平州志

卷一

四

足以激末流而挽頽俗也明司禮監太監王承恩者有可紀焉當明季寇訶海內鼎沸莊烈愍皇帝勵精圖治宵旰焦勞原非失德之主良由有君無臣孤立於上將帥擁兵而不戰文吏嚙俸而營私以致羣寇縱橫不能奏績逮逆渠犯闕國勢莫支帝遂捐生以殉社稷而一時戴縵垂纓之士在平時則背公樹黨遇難則苟且偷生言之可爲太息惟有范景文等十九人無愧臣節業賜諡致祭以旌其忠然多士盈廷能赴義捐軀者蓋不多見獨承恩目擊艱危從容就義從死愍帝之傍其嶽嶽之風節卽古之忠臣烈士何以加焉旣乃託體山阿瘞骸林麓永近園陵常依隧道可謂式慰幽靈用綏貞魄者矣朕自踐阼以來斟酌前代之典章洎夫有明恆深嘉歎其列代山陵近在畿輔向令永禁樵採守護維嚴於順治十六年因東狩駐蹕昌

平觀勝國之松楸感廢邱之霜露諸陵周覽心惻久之爰至思陵念
愍皇帝精勤遘亂亡國非辜躬奠椒漿尤增憫泣顧見陵側有土一
坏卽承恩墓也特命從臣酌酒焉邇者當省斂之時展軫效駕載履
明諸陵拜陳醑醴復徘徊於思陵之所撫荒墟而灑泣瀝旨酒而痛
心念茲從死之臣彌興節義之感手一卮命大臣拜奠其墓以勸忠
也諡義危身奉上險不辭難曰忠故忠君愛國庸人每未之逮貞烈
之士毅然行之使百世之下聞而興起者慕義無窮也矧承恩趨侍
宮掖出入禁闈其責任不繫乎封疆名位不同乎公輔而獨能視死
如歸豈非較然不欺其志者哉以視世之讀書明大義負重名者變
故當前依阿泯忍幸免旦夕其爲人賢不肖又何如也用是勒之貞
珉使盡忠者以爲勸不忠者以爲戒且以告天下萬世之爲人臣者

光緒昌平州志

卷一

五

聖祖仁皇帝諭禮部 往代帝王陵寢所在地方理宜守護以妥神
靈朕近幸湯泉道經昌平見明朝諸陵殿宇雖存戶牖損壞附近樹
木亦被摧殘朕心深爲憫惻爾部卽嚴加申飭守陵人戶令其敬謹
防護仍責令該地方官不時稽查勿致仍前怠玩以副朕優禮前代
之意 康熙十四年

聖祖仁皇帝庭訓格言 明朝十三陵朕往觀數次亦嘗祭奠今未
去多年爾等亦當往觀祭奠遣爾等去一兩次則地方官看守人等
皆知敬謹

世祖章皇帝初進北京明朝諸陵一毫未動收崇禎之屍特修陵園
以禮葬之厥後親往奠祭盡哀至於諸陵亦皆拜禮觀此則我朝得
天下之正待前朝之厚可謂超出往古矣

世宗憲皇帝明十三陵祭文 國家善政覃敷鴻恩徧洽而殊禮更施於勝國優秩特加於後人廢絕之祀復興妥侑之靈有託隆規錫慶奕禩承休仰惟

聖祖仁皇帝至德同天深仁溥地萬幾之暇瞻念前猷謂有明太祖創業維勤宅心克廣經文緯武英略蓋於九州酌古準今制作隆於一代逮於季世雖無暴虐之君爰及末年每值災荒之運因賊徒之蠭起致鼎祚之潛移我朝戡定寰區屢加恩澤禁樵蘇而設護詣陵寢以薦馨然而胄裔浸微春秋闕祀皇情感惻每眷遺徽宸翰留貽將行曠典朕上承

先志命考宗支以明太祖第十三子代簡王之裔

恩賜阿思哈尼哈番朱廷 之嫡孫朱之璉授爲一等侯列五等之

光緒昌平州志

卷一

六

班備三恪之典俾傳世爵以奉蒸嘗載煥儀章用申祭告於戲崇階厚祿我國家特沛夫殊恩濡露降霜帝子孫永承其禮祀尙其歆格鑒此榮施 雍正三年

世宗憲皇帝諭 自古帝王皆有功德於民雖世代久遠而敬禮崇奉之心不當弛懈其陵寢所在乃神所憑依尤當加意防衛至於往聖先賢名臣忠烈芳型永作楷模正氣長留天壤其祠宇塋墓亦當恭敬守護以申仰止之忱著各省督撫轉飭各屬將境內所有古昔陵寢祠墓勤加巡視防護稽察務令嚴肅潔淨以展誠恪若有應行修葺之處著動用本省存公銀委官辦理朕見歷代帝王皆有保護古昔陵寢之飭諭而究無奉行之實朕雍正元年恩詔內卽以修葺歷代帝王陵寢通行申飭亦恐有司相沿積習視爲泛常嗣後著於